

Lwgsau Naihsim Gienq Bouxdoj

姑娘耐心劝赌徒

□ Vangz Gozgvanh / 黄国观

Sai:

Guh vunz mbouj baenz vunz,
Daengx hwnz ninz cix loq,
Bae caeuq vunz guhdoj,
Goj ndaej haujlai ngaenz.

Mbwk:

Naeuz soh mwngz geij geiq(gawq).
Mbouj meiz(miz) mwngz mbouj rox,
Naemj naeuz bae guhdoj,
Aiq couh bienq baenzmiz?

Sai:

Doj ndaej maenz dingj maenz,
Caemh raen ndaej haujlai,
Danghnaeuz hingz dahraix,
Fatcaiz lo youxnoix.

Mbwk:

Miz ngaenz bae guhdoj,
Roh le couh mbouj meiz(miz),
Aeu bae guh seng'eiq,
Leix(Lij) ndaej ciengx lwg yah.

Sai:

Guhdoj mbouj ok hanh,
Nanz mbouj nanz caemh ndaej,
Danghnaeuz hingz saek baez,
Caemh ndaej haujlai ngaenz.

Mbwk:

Doj ngoenzlaep ngoenzhaemh,
Naemj naeuz ndaej mbat haenq,
Ngoenzneix hingz geij maenz,
Ngoenzlaeng saw geij fanh.

Sai:

Baez naengh haeuj congz doj,
Mbouj rox geiq baenzlai,
Hingz couh angq yaek dai,
Saw couh saiq ngaenz cienz.

Mbwk:

Baez naengh haeuj congz doj,
Mbouj rox geiq lwg yah,
Ngaenz cienz bae daengzya(begsai),
Gyaranz baenzneix baih.

Sai:

Doj cungj miz baez hingz,
Mbouj itdingh dwg saw,
Danghnaeuz gaiqmingh dawz,
Ngaenz ndaw daeh rimrad.

Mbwk:

Cib doj gouj boux saw,
Ngamq yawj boux he hingz,
Ngaenz dawz bae doj cingh,
Yah cing lwg bae haq.

Sai:

Miz baez saw baez hingz,
Mbouj itdingh naeuz saw,
Danghnaeuz bungz mingh dawz,
Ngaenz ndaw daeh rimrad.

Mbwk:

Cib doj gouj boux saw,
Ranzcang dawz ngaenz caez,
Gienq beix gaej caiq bae,
Doj saw baez dem baez.

Sai:

Doj mizseiz mbouj ndei,
Sei(Saw) le ngaenz couh bae,
Doj mizseiz caemh ndaej,
Ngaenz bae ma dauq boiz.

Mbwk:

Congz doj lumj dou fangz,
Dangh deng roemx haeuj ndaw,
Ndaej hingz youh baenzlawz,
Roen ok yawj mbouj raen.

Sai:

Doj saw ngaenz caemh bae,
Doj hingz ndaej dauq boiz,
Guhdoj lumj gwn oij,
Nuengx lij oiq mbouj rox.

Mbwk:

Doj bae lumj raemxrongz,
Laeuh roengz cong hae doh,
Bohmeh bae guhdoj,
Lwg caemh rox bae guh.

Sai:

Bouxboux naemj doj hingz,
Yiuq mingh ndei mbouj ndei,

Mingh yoq couh ngaiz sei(saw),
Mingh ndei couh ndaej hingz.

Mbwk:

Bouxboux naemj doj hingz,
Doj daengz mingh mbouj aeu,
Haetromh doj daengz caeuz,
Saenzraeraeu yaek dai.

Sai:

Danghnaeuz doj hingz ndaej,
Mbouj bae maz sinhoj,
Guhhong gou mbouj rox,
Mbouj guhdoj guh maz?

(1)



Ndit rongh ciuq byaheu.

Lai Soujgvangz ingi

58. **Cam:**

Duzvaiz diuq gvaq mieng,
Gaem rieng beng doxdaug,
Gyaeuj ngaem roengz dah laux,
Rieng raemx bauqboengboeng?

Hoiz:

Aeu gonh bae gonh naz,
Fwngz cix ca gaem ganj,
Ciloengzgoet roengz dwngj,
Gvat raemx hwnjboengboeng.

59. **Cam:**

Nyaenx youh cam lingzleih,
Byaleix geuj roengz vaengz?
Maz raeng haeux yaengyaeng,
Bya ndaw saeng con ok?

Hoiz:

Muh haeux doekyeihyeih,
Byaleix geuj roengz vaengz.

Vah Duenz

谜语

□ Soucomz Cingjleix Veiz Daz

Vunz raeng haeux yaengyaeng,
Bya ndaw saeng con ok.

60. **Cam:**

Bak baengz youq gyang mbwn,
Miz mbiengi hoengz mbiengi henj?
Gwnz de cienz bu benj,
Fouj bag nyengh mbouj hai?

Hoiz:

Gyanghaet fwj baihdoeng,
Miz mbiengi hoengz mbiengi henj.
Raemxdah bingz baenz benj,
Fouj bag nyengh mbouj hai.

61. **Cam:**

Nyaenx youh cam youxndei,
Gijmaz geiz gyang mbanj?
Caiq cam mwngz doengzbangh,
Gijmaz nangx gyang mbwn?

Hoiz:

Mbawgyoij hung youh ndei,
Guh mbaw geiz gyang mbanj.
Rangzndoek hwnj soemsangq,
Couhdwg nangx gyang mbwn.

(8)

